


我而家就係同你 講夢想！ 唔俾咩？！

文：嚟睡因



「今生不做機械人夢想計劃」希望大家重新搵番自己，搵番當初嘅熱血，追尋人生路上你一路好想做嘅好嘢，真真正正做番個「人」，呢個就係「今生不做機械人」精神！來年，係時候啦！我地想做得更多更好，所以，第六屆，我地會有大變動動動動！包括咗將每年一次嘅夢想計劃變成……都係賣個關子先，遲啲你咪知！

五屆以來，我地一直以「不限年齡 不限類型 不限規模」，選十個有心實踐夢想單位，支持你地踏出夢想第一步。我地想改變嘅，依然係香港人嘅心，令夢想係每個人入面扎根，讓夢想不再離地，每個「人」都值得擁有！歷屆超過800名參加者當中，有患肌肉萎縮症希望以繪本貢獻社會嘅巴基斯坦籍學生、為無家者免費洗衣嘅義工團隊、退休老師搞畫室展開第二人生、需要資金代表香港比賽嘅花式足球隊、仲有走入廚房學中菜嘅科工商管畢業生。夢想唔使好宏大，夢想都可以好簡單！

有冇搞錯？呢個年頭仲同人講夢想？好心你幾十歲人唔好咁多幻想啦！你有搞錯！而家就係同你講夢想！講吓夢想計劃點樣計劃你嘅夢想！

《突發》籽識創意學院無端端開學

報籽

La Violet Education
籽識教育
UNDER PRODUCTION
陸續出版



今生不做機械人 夢想計劃



得獎團體「香港腕力協會」
(灰色衫)



·第四屆【今生不做機械人夢想計劃】頒獎典禮花絮



·大家笑容可掬

人人都識得口號式咁講：「老有所為，長幼共融。」但很少人會問，長者真正需要係咩？究竟一日流流長者係點過？對住啲啲黃大仙區廿幾年嘅長者嚟講又有咩回憶值得拎出黎開心share？今次我哋聯同黃大仙區嘅青少年走入社區，透過同長者接觸傾計，以「拍片」、「圖片仲有文字記錄」嘅創意渠道紀錄一切「對話」，亦透過「聆聽」建立長青共融關係。更會推出以相片為主的書籍，呈現一樣的老人，原來都可以有不一樣的的人生，實行提升「老友記」係區內嘅形象同價值。唔講你唔知，每一張「相」都係長者非常珍而重之嘅回憶嚟。

你聽我講 銀髮白的故事 帶你耳朵遊歷黃大仙生活日常

文：魯仁嘉

突發

據可靠消息透露，近日不少人都在Whatsapp收到一份叫「籽識創意學院」嘅Proposal，雖然得一版紙，但聽聞個個睇完都拍手叫好。有人話學院呢兩個字比地球更危險，亦有人話呢個計劃實在太偉大，究竟有咩咁神奇，報籽取得以下獨家版本比讀者一睹為快！

「籽識創意學院」

文：談校長

校園發現號

文：林班莖




今年我地嘅教育界狂推設計思維(Design Thinking)，一套以人為本，有系統有方法的創意解難工具。點解要推？因為好多社會議題同教育模式需要重新想像，重新設計囉！

上年我地同某中學合作一年創新課程MAKER+，開始時成TEAM人問，STEM究竟砌咁多野為乜？又重新想像上堂係咪只可以“係咁架啦”，終於MAKER+變革為無考試、無對錯，鼓勵學生大膽創新，小組形式自學自訂目標，老師唔教書做同行！有學生學到同理心，挑機砌沙灘輪椅，希望輪椅人士有享受沙灘權利，我地導師團隊當然力撐到底！唔覺意玩大咗，製成品傾緊想攞埋專利囉。嚟緊我地繼續同樂施會合作，用設計思維同中學生回應更多社會問題，例如：基層兒童屋住問題，基層長者社區設計，少數族裔共融問題，繼續挑機打大佬！除左貧窮議題，下一個準備挑戰嘅就係香港大量塑膠樽嘅環保問題！所以話，21世紀下嘅教育，就係要令學生有創意，有社會意識同有解決問題嘅能力！



好唏噓！一名青少年工作者受訪時分享：「原來年青人連做義工都無得揀」。籽識教育最初構思交流會，係想多啲機會同其他青少年活動策劃者交流分享。又估你唔到，大家都好願意分享經驗，各取所長，一齊諗一齊度。40個青少年工作者即興設計遊戲、聆聽青少年參加義工活動後感、再配合 Design Thinking 重新想像義工體驗！創意無限，大笑到趴係度！依個世界好唔好，取決我地點樣做。幾個人一齊做好啲；幾個人一齊又做好啲，加下加下，嘍喂，咪全世界囉。



40個青少年工作者打成一片
創造更多可能性



自由工作者的說話

文：設計屍們



「日本廣告真係好正」呢個可以話係我地做嘢諗橋嗰陣講得最多嘅嘢，唔係話香港廣告唔好，但真係好多時都太簡單，不外乎一個靚仔靚女，加埋個產品，仲有一句直達中心思想嘅slogan，再用無限loop嘅方式入腦，但日本嘅呢，唔係偏心，佢地真係唔係爆笑就係洋蔥，睇一次就咩都明晒！
Wing

設計師之日常 (一) 客人：今次唔洗麻煩你，我自己整就得，係有個小問題想請教一下 設計師：(有伏味)係咩呢？ 客人：我要撇邊個掣先key到個logo上隻杯度？ 設計師：你即係撇我啫……

設計師之日常 (二) WhatsApp 客人：你好，我公司想搵人做logo (笑臉) 係朋友XX推薦咗你 設計師：你好，唔好意思我人在海外放假中，介唔介意我下星期番嚟再詳細傾？ 客人：朋友XX都跟我提過你下星期先番，一般logo起貨幾耐？我地已經有晒概念 (笑臉) 設計師：視乎情況而定，一般流程(咁咁咁……)但詳細真係要番到香港先答到你 客人：明白 (笑臉) 只做logo收費幾多？*繼續無視設計師放假中 設計師：真係睇情況，不如番到香港我盡快share 唔同收費的sample俾你睇先再講？ 客人：好的 (笑臉) 那你会包改幾次？ 設計師：……已下線 (雷國) Ginny

自由攝影師，英文是freelancer photographer，好多人以為是免費的意思，其實不是，只是不是做死一間公司的攝影師，表面上看似幫好多公司影相(打工)，理論上好多收入。做一個全職工作者，工餘時間理論上可以不用理會工作，而顧主會幫員工搞那些強積金，保險之類的保障員工的東西。但是自由工作者沒有人幫忙搞這些東西，這些成本也會計算在每一單工作之中。而且需要在工餘時間處理工作，這沒法向公司計ot當中。freelance的收入是十分不穩定，經常有彈鐘的情況，預約好了時間，但是臨時取消工作，原本的時間可以接其他工作，但是到最後什麼也得不到。
zeno

香港做設計，也也也。成日都話香港設計不好做，的確。雖說樹大有枯枝，亦不見得並無綠葉；設計師及客戶亦然。今時今日只需「人肉軟件操作員」的客戶佔了市場的一大部分，百貨應百客，自然有人認為只要懂得操作設計軟件便是設計師。其實，設計的專業是美感的經驗及應用，而非軟件。在這勸喻各位準客戶及準設計師，於事前了解清楚自己需要甚麼。案件進行便可以達到雙贏局面了。
Chino

尊難



陸續創作計劃

開始咗啦！由社創基金同樂施會支持嘅《陸續創作實踐計劃》(下稱實踐計劃)已經展開，第一班學員已經完成十小時音樂製作工作坊，佢地仲係計劃導師指導下共同創作，並已經錄專業錄音室，一嘗錄音滋味，灌錄好一首屬於佢地自己嘅歌啦！

《實踐計劃》除咗音樂製作，仲包括設計、市場營銷、攝影、拍片及文本寫作六個創意範疇，為有心嘍創意工業發展嘅青少年提供免費培訓同工作機會！

年輕人學得開心，又得到實踐機會，係我地最樂於看見嘅！對創意工業有興趣嘅青少年們，或者希望邀請年青人幫手工作嘅機構們，歡迎聯絡我地！



《為食者聯盟 Birthday Mooncake》

2018年重頭鉅著，由「糧友行動」投資開拍，陸續出版電影公司製作，影帝羅天祐、李睿德及影后屈曉童、董姪雯領銜主演。



本土製作，不日上映！

編劇：應天，梁偉景
導演：應天
演員：羅天祐、李睿德、屈曉童、董姪雯
製作：陸續出版



文：魏文青

愛禮信壁畫

壁畫工作坊是特為SFEZ學生而設計，透過設計思維的方式與學生合力創作壁畫。學生能親身參與創作、親力親為完成作品，從而增加學生之間的交流、對藝術興趣和提升自己的價值，體驗創作帶來的滿足的成果。

文：魏文青

名導極力推介！

「呢套電影，短短8分鐘，探討貧窮兒童飲食、營養等問題，一語中的講出資源分配vs真正需要的問題，俾社會一個思考嘅空間。係近年必看之作。」

《為食者聯盟 Birthday Mooncake》放映及座談會

喂，過期嘅！

唯有上網睇返囉！

日期：26 / 8 / 2018
時間：11:30-13:00
地點：香港藝術中心
古天樂電影院




填詞班

文：詞王

你班友又話撐廣東話，但又以唔聽廣東歌為榮。
無聽過，又話依家D歌詞唔掂，問你點唔掂你又答唔出（因為都無聽過）。好啦咁唔掂我就收手唔填喇，專心開班培育新一代廣東作詞人。香港，靠你地喇。喂，無人報名嘅喂。額滿即止嗶，得返最後幾個位乍嗶，買一送五（首歌）嗶，二人同行十折嗶！



詳情及報名：



第N屆夢想成真流行曲 創作計劃頒獎典禮

文：魏文青


每年都萬眾期待的頒獎典禮，已經圓滿結束。這晚，十三億人見證十首金曲誕生，更由著名歌手李昊嘉演繹得獎金曲。一眾得獎者在台上互相祝賀，又在台上感謝親友和主辦場面感人。

拍片你要知

文：王大盜



通常一般人都剩係知道拍片嘅時候導演會嗌Action! Cut!
咁就搞掂一條片~
但實際上仲有好多步驟架!
而家就教識大家多幾句片場常用語句啦~



『全場 Ready』：一聽到呢句全部人就要正式進入拍攝狀態


『Cam --- Rolling』：大家ready後，副導演就會嗌「Cam」，通知攝影師開始錄影，而攝影師開機後，就會回應「Rolling」

『Sound --- Speed』：由於聲畫分開錄製嘅關係，Cam Roll之後副導演就會嗌「Sound」，通知收音師開始錄音而收音師開機後，就會回應「Speed」

『拍版』：場務係攝影師同收音師都準備好之後，就會係攝影機前拎出 Slate (拍板) 並確保俾攝影機清楚影到板上嘅字，方便日後剪接嘅第一個鏡頭已睇到呢幕嘅資料。打板發出嘅聲音就係日後剪接果陣，剪接師就能夠藉著以打板嘅動作，將畫面同聲音同步

『Action』：當所有人都集中精神，導演確定演員狀態之後，就會嗌「Action」，開始正式錄影

嘩！嚟到呢度終於都開始拍啦！咁啦，之後果啲步驟留返下次，想知再講！




社企界笑話

文：王小編

作為一間跨角(荔枝角)企業，最重要嘅梗係要有充足嘅人力資源啦！

王同事:「老師你好，有咩幫到你？」
老師:「我想搵公司負責人。」
同事:「哦哦...公司負責人王生佢今日唔喺 OFFICE 嗎！」
老師:「我想問關於課程.....」
同事:「哦哦...查詢課程方面我地搵王SIR 打返俾你講解好嘛？」
老師:「我係想問，我地課程張票你地收到未? 我會計部要返張收據。」
同事:「哦哦...咁我通知會計部同事Larry Wong，叫佢儘快開返俾你，唔該晒！」

#等我變身先
#EVENT由砌BACKDROP到上台頒獎都係你
#一個打十個



聲明
編採自主
不排版 不校對 不設計
老闆到報籽自然來



台灣&韓國 = 吃喝 + 玩樂? #食好西

#Oppa #K-pop

#化妝定喬裝

Nonono! 夠啦。

其實佢地嘅社企發展亦算係「企在最前」!

今年一月同三月，籽識分別帶領12位來自多個學系嘅香港大學學生，到台灣及首爾參訪合共超過20間社企，亦同充滿活力嘅臺灣國立大學及漢陽大學嘅大學生交流。有別於香港，原來韓國法例有定義社企與其他公司的分別，社企概念係社會上亦較其他地方普及化!台灣社企亦琳瑯滿目，更有唔少係由青年人自發組成的!下次去台灣同韓國，不妨留意一下當地的社會創新，有新發現記住要同我地分享丫。

文：奧爸



下一站：英國

(若對社會創新之旅有興趣，歡迎向我們查詢)

企在最前

內幕消息

最近財經界熱門話題當然離不開LVUP將成為社企界第一間申請主版上市的謠傳，有分析師取得內部機密文件，整合了以下關於LVUP過去幾年的事件簿給讀者及投資者作參考：

- 小註釋：
- 社企投資會(SIC)
 - 籽識(LV)為2011年成立之社會企業，為不同學校和機構設計創新青年課程及活動。
 - 籽識(LV)旗下有籽識教育(LVE)和籽識慈善基金(LVF)
 - 陸續出版(UP)旗下有陸續多媒體有限公司(UPM)和陸續設計有限公司(UPD)

LVUP事件簿

文：財經分析C

2014年	LVE及LVF分別於2014年2月及10月成立，因為無人想知有咩分別，對外統稱為LV。
2015年	因為有人搵佢地出書，為左一本書嘅生意成立左UP，竟然有間叫SIC嘅fund入股LVE!
2016年	管理層建議把LVUP合併因出現內部分歧而擱置，SIC入股LV唔夠，仲要入埋UP! 勢要綁死大股東!
2017年	奇蹟陸續出現! 呢一年不斷有人投資LVUP! UP決定分拆業務，成立子公司UPM及UPD，為上市鋪路。
2018年	因為銀行客戶經理離職，戶口遲遲未開好，UPM及UPD業務維持由母公司管理... 繼續學上市公司玩分拆同合併... LVUP擬合併成為創意書院.....無限loop做死我地.....待續.....

見到100毛上市，老闆果種興奮程度係莫名奇妙嘅，唔講以為佢係股東之一。明白嘅，一個創意媒體可以短短幾年內上市，係好振奮嘅，做人最緊要有夢想，所以老闆唔理我地仲差好多個零先上市，先興奮左先，仲開始搵緊包銷商(包伙食)，公司同事們都相信呢種就係今生不做機械人精神!

金融行情

文：估王




《為夢想打油詩》

文：你八

以「今生不做機械人」入詩的「為夢想打油詩」比賽已經圓滿結束！以下係我地嘅得獎作品，作得精彩有故事性！恭喜恭喜！

一歲連腳步都未穩
 我就要學中英法文
 兩歲縱然時常眼訓
 都要做古典樂擁躉
 五歲時人人都玩緊
 我就要識串gun fun sun
 去到小學就仲過份
 每一日補習到黃昏
 直至中學中文作文
 「你的志願是？」老師問
 醫生律師警察商人
 我對任何都唔興奮
 相反我有個演戲魂
 無論係武俠定和坤
 終於我對媽媽認真
 說：「今生不做機械人 演戲先帶俾我開心」
 佢一開始都好氣憤
 話希望我生活安穩
 第日做一個人上人
 但我表現強大決心
 報演藝班扮演各人
 每日用功練習勤奮
 終於佢由反對轉粉
 近排佢更演埋一份
 祝我有日夢想成真



打油詩就好似夢想咁：


打油詩：
 不需刻意注重格律、對偶平仄
 可以文雅可以通俗
 最緊要過癮
 最好押韻
 人人都可以作

夢想：
 不需刻意注重實際、世俗眼光
 可以大又可以細
 最緊要鍾意
 最好堅持
 人人都可以有

專業評述，唔賭唔知有料到
 馬經 長睇長勝  文：蔡馬

馬名	騎師	短評	賠率
1.冰河世紀	Cindy	唇亡齒寒 爆冷無望	30624700
2.諗多咗	Martin	全程魂遊 無藥可救	689
3.世界地圖	Josh	鋒芒不露 原地踏步	777
4.黑珍珠	Mandy	勇看直前 留守後面	852
5.Hazel Nut	Hazel	口講就得 跟乜都甩	3111
6.老闆娘	Elaine	齋做設計 前途閉翳	2033
7.大茶飯	Rice	食得訓得 係唔做得	封盤
8.天蠶變	Kit	日變夜變 搞你唔掂	314
9.逢實實	Poey	逢堅不摧 歷久必衰	999
10.第五元素	Fan	沿途有你 難成大器	520

一年一度車壇盛事，今年成為「中電校園工程師」壓軸大賽。來自50間學校嘅車手經過多場外圍賽，最後10隊嘍香港大學進行最後嘅公路賽，結果冠軍由宣道會鄭榮之中學同廖寶珊紀念書院奪得。未同大家講，我地依個比賽，唔係鬥快，係鬥太陽能，太陽，能！



校際一級方程式





暢銷系列

摩菲亞繪本系列




最滯銷系列

作者：摩菲亞

作者是南亞裔學童，卻說得流利的粵語，寫得順暢的中文；他有肢體上的障礙，卻又能用電腦寫畫和作故事，還經常參加校外比賽和獲獎。


《我從鯊魚口中長大了》是摩菲亞創作的第一本繪本，肌肉萎縮症無礙他追尋夢想的決心，期望把積極的態度透過繪本傳到你的心靈裡。




《深耕細作在心田》
作者：香港社會工作人員協會20位優秀及新秀社工



《畀返個仔我》
作者：王仲傑



《好講唔講講夢想》
作者：追夢者們



憑券惠顧UP任何設計服務，即可享以下優惠！

細則：

- 1-如果要為呢個優惠加一個有效期，我會話係，一萬年。
- 2-如果要為呢個優惠加一個有效期，我會話係，一萬年。
- 3-如果要為呢個優惠加一個有效期，我會話係，一萬年。
- 4-如果要為呢個優惠加一個有效期，我會話係，一萬年。

日日自己食唔通
我又想日日食自己嘢？



【徵飯腳】

zing1 faan6 goek3

買十送一

凡惠顧Under Production任何設計服務，即可享減買十送一優惠！

\$200

凡惠顧Under Production任何設計服務，即可享減\$200優惠！

九折

凡惠顧Under Production任何設計服務，即可享減九折優惠！